



Na osnovu člana 37 Statuta Općine Breza-Prečišćeni tekst (*"Sl. glasnik Općine Breza" broj:8/09*), Odluke Ministarstva za ljudska prava i izbjeglice BiH o izboru prioriternih projekata iz oblasti stambenog zbrinjavanja Roma u BiH broj: 01-39-4375/13 od 15.11.2013.god., Memoranduma o razumijevanju potpisanog između Ministarstva za ljudska prava i izbjeglice BiH i Općine Breza broj: 01-39-4654/13 od 11.12.2013. godine, Ugovora o saradnji potpisanog između Ministarstva za ljudska prava i izbjeglice BiH i Općine Breza broj: 01-37-1990-5/17 od dana 15.09.2017. godine, Aneksa navedenog Ugovora broj: 01-37-1-1990-15/17, Odluke Provedbene komisije broj: 01-39-1-1-1964-2/17 od dana 11.02.2019. godine, Upustva o načinu dodjele pomoći, odabira korisnika i realizaciji projekta za stambeno zbrinjavanje Roma u BiH, koje je donijelo Ministarstvo za ljudska prava i izbjeglice BiH, Prečišćeni tekst broj: 01-39-4375/13 od 15.11.2013. godine, Općinski načelnik Breza, dana 05.07.2019. godine, o b j a v l j u j e:

JAVNI POZIV

za podnošenje zahtjeva za izgradnju četiri (4) stambene jedinice za romske porodice sa prebivalištem na teritoriju općine Breza po projektu „**Stambeno zbrinjavanje Roma u općini Breza**“.

I - OPĆE ODREDBE

Pomoć za stambeno zbrinjavanje Roma dodjeljuje se u okviru implementacije projekta "Stambeno zbrinjavanje Roma u općini Breza", a u vezi sa realizacijom Akcionog plana BiH za rješavanje problema Roma iz oblasti stambenog zbrinjavanja.

Projekat "Stambeno zbrinjavanje Roma u općini Breza" se finansira sredstvima Ministarstva za ljudska prava i izbjeglice BiH u iznosu od 49.294,04 KM, Federalnog ministarstva prostornog uređenja 150.000,00 KM, uz sufinansiranje Općine Breza kroz projektne aktivnosti i komunalnu infrastrukturu. Navedena sredstva će biti upotrijebljena za izgradnju četiri (4) stambene jedinice za romske porodice sa prebivalištem na teritoriji općine Breza (u daljem tekstu korisnike) i unapređenje komunalne infrastrukture romskog naselja sa krajnjim rokom završetka do 03.02.2020. godine.

II - KORISNICI PROJEKTA

Pravo na stambeno zbrinjavanje imaju pripadnici Romske nacionalne manjine, porodica ili zajedničko domaćinstvo koji su beskućnici i/ili se nalaze u potrebi za stambenim zbrinjavanjem i/ili im je potrebno poboljšanje stambenih uvjeta.

Prijavu za dodjelu pomoći mogu podnositi nosioci romskog domaćinstava i/ili njen punoljetni član koji:

- nisu ranije koristili pomoć za izgradnju, rekonstrukciju ili sanaciju stambene jedinice dovoljnu za dovođenje stambene jedinice u minimum stambenih uslova,
- koji nisu korisnici socijalnog stana koji ispunjava minimum uvjeta u skladu sa Standardima za obnovu i izgradnju,
- koji nemaju stambenu jedinicu na teritoriji Bosne i Hercegovine uslovnu za stanovanje.
- koji imaju prebivalište na području općine Breza.

Pomoć se može dodijeliti romskoj porodici ili zajedničkom domaćinstvu (u daljem tekstu korisniku) uz ispunjavanje osnovnih i posebnih kriterija.

- Osnovni kriteriji – potrebna dokumentacija

1. Broj članova i starosna dob članova zajedničkog domaćinstva

potrebna dokumentacija:

- Ovjerena izjava o zajedničkom domaćinstvu (Kućna lista - Općina Breza);
- CIPS obrasci za sve osobe sa kućne liste, ne stariji od 6 mjeseci (MUP)
- Ovjerena fotokopija lične karte za punoljetne članove;
- Izvod iz Matične knjige rođenih za maloljetne članove zajedničkog domaćinstva, ne stariji od 6 mjeseci.

2. Dužina boravka u mjestu prebivališta:

Mjesto prebivališta do 1992. Godine

Mjesto prebivališta nakon 1992. godine

potrebna dokumentacija:

- Uvjerenje o kretanju **samo** za podnosioca zahtjeva, ne starije od 6 mjeseci, (Policajska stanica Breza ili nadležni organ u mjestu prebivališta do 1992. godine)

3. Priznato pravo na socijalnu zaštitu u skladu sa važećim zakonima BiH:

Pripadnost ranjivim skupinama u stanju socijalne potrebe za podnosioca ili članove zajedničkog domaćinstva i to:

- Osobe sa tjelesnim i/ili mentalnim invaliditetom/onesposobljenjem i civilna žrtva rata potrebna dokumentacija: Rješenje ili Uvjerenje nadležnog organa ne starije od šest mjeseci,
- Pripadnost ostalim skupinama u nepovoljnoj socijalnoj situaciji:
- korisnici socijalnih davanja, - Rješenje ili Uvjerenje nadležnog organa
- penzioneri – zadnji ček od penzije
- nezaposlene osobe – Uvjerenje iz Službe za zapošljavanje BIRO Breza ili uvjerenje iz Porezne uprave o radno pravnom statusu.
- Samohrani roditelj, staraoc ili hranitelj porodice izjave korisnika (Općina Breza).

4. Zdravstveni status korisnika i članova njegovog domaćinstva

- Ostale ranjive kategorije -hronični bolesnici i dr.(Medicinski nalaz specijaliste ili nadležne Komisije ne starije od šest mjeseci

5. Obrazovni status podnosioca zahtjeva i članova zajedničkog domaćinstva

Potrebna dokumentacija - Ovjerene fotokopije diplome, svjedočanstva uvjerenje školske ustanove o pohađanju nastave.

Posebni kriteriji - potrebna dokumentacija

1. Stambeni status korisnika (beskućnik, u improviziranim naseljima objektima i sl.)

Potrebna dokumentacija – **Naznačiti status na prijavnom obrascu.**

Stambeni status potencijalnih korisnika pomoću obavezno se provjerava na licu mjesta uvidom u stvarnu situaciju na terenu, te im se dodjeljuju bodovi po utvrđenim kriterijima po težini stambene situacije kako slijedi: beskućnici, u improviziranim naseljima i smještajima, u kolektivnim oblicima zbrinjavanja, u barakama, u alternativnom smještaju, uključujući i podstanare i korisnike koji žive u zajedničkom domaćinstvu sa roditeljima i/ili rođacima.

III - PROCEDURA ODABIRA KORISNIKA

Odabir i bodovanje korisnika će se izvršiti na osnovu Uputstva o načinu dodjele pomoći, odabira korisnika i realizaciji projekata za stambeno zbrinjavanje Roma u BiH – Prečišćeni tekst donesenog od strane Ministarstva za ljudska prava i izbjeglice BiH.

Odabir i bodovanje korisnika izvršit će Komisija za odabir korisnika pomoći za stambeno zbrinjavanje Roma imenovana rješenjem Općinskog načelnika Breza broj: 01/2-05-1079/19 od 08.05.2019 godine. Predstavnici Ministarstva za ljudska prava i izbjeglice BiH mogu učestvovati u radu Komisije u svojstvu posmatrača.

IV - OBJAVLJIVANJE RANG LISTE I PRAVO NA PRIGOVOR

Rang lista objavit će se na oglasnim pločama: Općine Breza, lokalne romske zajednice, JU Centar za socijalni rad Breza i internet stranici općine Breza.

Pravo na prigovor imaju svi učesnici na Javnom pozivu i ostala zainteresovana lica.

Prigovor se putem prvostepene komisije podnosi općinskom načelniku u roku od 15 dana od dana javnog objavljivanja rang liste korisnika. nakon razmatranja prigovora Općinski načelnik donosi konačnu rang listu krajnjih korisnika projekta “**STAMBENO ZBRINJAVANJE ROMA U OPĆINI BREZA**“, čiju verifikaciju vrši Ministarstvo za ljudska prava i izbjeglice BiH.

Javni poziv otvoren je 15 dana od dana objavljivanja u dnevnom listu.

Prijave na propisanom obrascu mogu se preuzeti na info-pultu Centra za pružanje usluga građanima općine Breza, u JU”Centru za socijalni rad Breza i internet stranici općine Breza. Prijave sa dokazima kojim se dokazuje ispunjavanje svih općih i posebnih kriterija dostaviti Komisiji putem **Centra za socijalni rad Breza**, u zatvorenoj koverti, sa naznakom:

**JAVNI POZIV
ZA ODABIR KORISNIKA PROJEKTA
“STAMBENO ZBRINJAVANJE ROMA U OPĆINI BREZA, NE OTVARAJ”
JU CENTAR ZA SOCIJALNI RAD, BREZA
UI. ZAVNOBIH-a br 6.
BREZA 71370**

Neblagovremene i nepotpune prijave neće biti uzete u razmatranje.

Dostavljeno:

1 x web

1 x dnevne novine

2 x oglasna ploča

1 x evidencija

1 x a/a

OPĆINSKI NAČELNIK

Mr.sci.Munib A. Zaimović